

## SARS e oketša tsepelelo ya yona go bahumi le dikgwebo tša moše

**Tshwane, 24 Feberware 2021** – Ditirelo tša Motšhelo tša Afrika Borwa (SARS) di ikgafetše go maikemišetšo a yona a maano a go tšweletša le go laola motšhelo le mokgwatšhomo wa khostomo wo o theilwego go obamelo ya boithaopo. Re holofela gore balefela motšhelo ba bantši ba tloga ba nyaka go phethagatša boitlamo bja bona bja semolao bja go ithaopa. Ka mokgwa wo, SARS e fana ka tlhaloso le kgonthišo go balefela motšhelo go phethagatša boitlamo bjo, gomme e šoma ka thata go dira gore go be bobebe go dira ditransekšene le setheo. Ka tsela yeo go lego bohlokwa go swana go SARS ke go thatafaletša le go lefiša dikotlo go balefela motšhelo bao ba sa obamelego.

Gore SARS e tšwelepele go fana ka ditirelo tšeo di beakanyeditšwego gape le tirelo e tee go Magoro a go fapana a balefela motšhelo, re tlhoma yuniti ya go fapana go tsepelela go Balefela motšhelo ba Batho ka noši ba lehumo le dipeakanyo tša ditšhelete tša go raragana. Yuniti ye, yeo e tlo tsebjago bjale ka *High Wealth Individual Taxpayer Segment (HWI)* mathomong e tla hwetšagalala ka go Yuniti ya *Large Business & International Taxpayer Segment (LB&I)*.

Yuniti ye e tla nepa go balefela motšhelo ba batho ka noši bao ba humilego gape ba nago le dipeakanyo tša ditšhelete tša go raragana. Re tla be re fan aka ditirelo tša go fapafapana, bjale ka ge re šoma ka mehuta ye mengwe ya motšhelo, go batho ka noši bao ba nago le lehumo le lentši, leo gantši le hwetšagetšego go tšwa go methopo ya go fapana yeo e sego mogolo wa kgwedi fela gomme bao ba šomago ka dipeakanyo tše dintši tša tšhelete gape gantši ka moše. Re holofela gore ditatamete tša dithoto le maikarabelo a ditafelo gantši do bolela kudu ka merero ya bona ya tšhelete go feta ditatamete tša letseno.

SARS e leetong la go tlametla setšo sa go obamela ka go ithaopa. Ka lebaka leo, re be re dutše re tsepeletše nepo go balefela motšhelo go balefela motšhelo bao bas a laodišago dikgwebo tša moše go tiišetša obamelo. Bjale ka motlameti wa ka pejana wa maemo a ditšhabatšhaba wa *Automatic Exchange of Financial Account Information*, SARS e na le tshedimošo yeo e hwetšagalago ya mabapi le akhaonte ya kgwebo ya moše ya balefela motšhelo ba Afrika Borwa, tšeo tše dingwe tša tšona di sa kago tša laodišwa. Tshedimošo yeo e re fihletšego e laetša go se obamele ga balefela motšhelo ba mmalwa ba ba bjalo.

Ka 2016/17, balefela motšhelo ba be ba filwe sebaka sa go beakanya merero ya bona ya motšhelo ka maikarabelo bakeng sa dikgwebo tša bona tša moše ka Lenaneo le le Kgethegilego la go Bololla ka Boithaopo (SVDP). Balefela motšhelo ba bile le sebaka sa go bololla ka Lenaneo la go Bololla ka Boithaopo (VDP) ka fase ga Molao wa Taolo ya Motšhelo, 2011. Balefela motšhelo ba bangwe ba ile ba diriša sebaka se. Le ge go le bjalo, le ge ba filwe sebaka sa go šomana le merero ya bona ya motšhelo, balefela motšhelo ba bangwe ba kgetha go se dire bjalo. Tshedimošo yeo SARS e e amogetšego e tšwa go ditokelo tša boahlodi tše 87 go rapalala le le fase, e tlhalosa ka ga dikgwebo tša tšhelete tša ka moše tša balefela motšhelo b aka Afrika

Borwa. Re ikemišeditšego lekola tshedimošo ye ka tlheko gomme re e odite, mo go hlokegago.

Ka kgatlhego ya paale le taolelo ya maleba ya mokgwatšhomo, SARS e tlo ngwalela balefela motšhelo bao ba amegago go kgopela tshedimošo ka ga dikgwebo tša bona tša moše. Kgopelo e dirwa bakeng sa ditlabela tša maleba tša morero wa kelo ya kotsi yeo e sa laetšego go thoma ga tshepetšo ya oditi eupša e tla thuša ka ditiragalo tša ka moso. Balefela motšhelo bao ba nyakago go beakanya merero ya bona ya motšhelo ba ka kgona go dira bjalo ka VDP yeo e dulago tšwelapele, yeo e fago sebaka sa kelo (go ya ka palo ya kotlo). SARS ka fao e hlohleletša balefela motšhelo bao ba sa ribollago dithoto tša bona go diriša sebaka tshepetšo ya VDP. Balefela motšhelo ba gopotšwa gore go palelwa ke go dira bjalo go ka lebiša go taolelo goba magato a bosenyi a ka tšewa kgatlhanong le bona.

Emeile yeo e dirišwago ya [HWI@sars.gov.za](mailto:HWI@sars.gov.za) e diretšwe go laola diphetolo go tšwa go balefela motšhelo le go tlamela ka motlhako wa go swana. Balefela motšhelo bao ba amegago gomme ba rata go diriša VDP yeo e tšwetšwagopele le balefela motšhelo bao ba sa tšhwago ba kgokaganywa ba eletšwa go ikgokaganya le Yuniti ya VDP thwii ka [VDP@sars.gov.za](mailto:VDP@sars.gov.za).

SEPHETHO